



---

Broj: 01,02,03,03/11-05-1-1176/18

Sarajevo, 29. 06. 2018.

**"Tehnička podrška javnim medijskim servisima na Zapadnom Balkanu", Konferencija povodom otvaranja projekta, Tirana 26. i 27. juni 2018. godine**

Predsjedavajući Komisije za saobraćaj i komunikacije Predstavničkog doma Parlamentarne skupštine Bosne i Hercegovine (PSBiH) Momčilo Novaković i zamjenici predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda PSBiH Sead Kadić i Mario Karamatić učestvovali su na konferenciji o podršci javnim medijskim servisima u zemljama Zapadnog Balkana, u Tirani.

Ovaj projekat, čiji je cilj podrška javnih medijskih servisa u šest zemalja regiona Zapadnog Balkana, predstavljen je tokom dvodnevne konferencije u glavnom gradu Albanije, kojoj su, osim naše delegacije, prisustvovali parlamentarci i predstavnici medija iz Albanije, Makedonije, Crne Gore, Srbije, Belgije, Švicarske, Slovenije, Austrije i sa Kosova.

Na konferenciji je predstavljen i otvoren projekat pod nazivom „Tehnička podrška javnim medijskim servisima na Zapadnom Balkanu“, koji podržava i finansira Evropska unija (EU). Kako su saopćili organizatori konferencije u Tirani, cilj projekta je podrška reformi javnih medijskih servisa u šest zemalja regiona u pravcu njihovog profesionalnog osposobljavanja i jačanja kako bi proizvodili što više raznovrsnog, nezavisnog i odgovornog programa.

Na knferenciji su kroz raspravu u tri sesije, dati odgovori na pitanja kako osigurati političku i finansijsku nezavisnost javnih medijskih servisa na Zapadnom Balkanu, kako pokrenuti unutarne reforme koje će omogućiti dostizanje najviših profesionalnih standarda i efikasnosti u radu javnih medijskih servisa na Zapadnom Balkanu, te kako, putem saradnje i koprodukcije, poboljšati programske sadržaje u javnim medijskim servisima u regionu.

Tokom konferencije je predstavljen izvještaj o modelima finansiranja javnih medijskih servisa u regionu, o nezavisnosti njihovih upravljačkih struktura, istraživanju gledanosti i uređivačkim smjernicama.

Predstavljajući projekat, generalni direktor Evropske radiodifuzne unije (EBU) Noel Curran naglasio je potrebu uspostavljanja evropskih standarda i zajedničkog referentnog okvira za

nezavisne i profesionalne medije na Zapadnom Balkanu, kako u vezi sa modelima finansiranja tako i u vezi sa izborom i funkcionisanjem upravljačkih tijela u medijima, a posebno u javnim servisima.

Prvi čovjek EBU-a, rekao je da realizacija projekta treba da doprinese stvaranju sinergije između javnih servisa u zemljama Zapadnog Balkana, koja uključuje regionalnu razmjenu dobrih medijskih praksi, uredničkih smjernica i dugoročnih strategija razvoja, kao i stvaranje integrisane redakcije.

Prema riječima gospodina Currana, projektom će se obezbijediti i podrška za saradnju u oblasti istraživačkog novinarstva, uspostavljanje mehanizma koprodukcije o odabranim temama, kao i regionalna razmjena digitalizovanih arhivskih materijala.

Projekat su potpisali predstavnici BHRT-a i udruženja "BH novinari", kao i predstavnici javnih servisa iz Srbije, Crne Gore, Albanije, Makedonije i sa Kosova.

Uvažavajući sadržaj i namjeru projekta, predsjedavajući Komisije za saobraćaj i komunikacije Predstavničkog doma PSBiH Momčilo Novaković rekao je da će nadležne komisije PSBiH u narednih 15 dana razmotriti ponuđeni Memorandum i proslijediti ga kolegijumima oba doma Parlamentarne skupštine BiH.

Projekat tehničke podrške javnim medijskim servisima na Zapadnom Balkanu biće finansiran sredstvima EU, a njegova implementacija trebalo bi da traje 30 mjeseci.

Izveštaj pripremila:

Naida Kruško

Izveštaj odobrio:

Momčilo Novaković

Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- članovima Delegacije PSBiH u PDCEI-a
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću PSBiH
- Sektoru za međunarodne odnose i protokol PSBiH

Kopija: Ministarstvo vanjskih poslova BiH